

摘藻堂四庫全書薈要

史部

欽定四庫全書薈要

史部

御批歷代通鑑輯覽卷二

詳校官原任編修臣徐立綱



欽定四庫全書蒼要卷七千四百五十五

御批歷代通鑑輯覽卷二

夏起禹丙子至桀甲午凡十七王十四世四百三十九年其桀之乙未兩繫于夏商之代紀數則屬于商

氏大禹

史記作帝禹

姓顓頊之孫鯀之子生于石紐譙周蜀本紀禹本汶山郡廣柔縣人

生于石紐廣柔廢縣在今四川茂州汶川縣西北地有石紐村元和志禹所生處考唐書地理志茂州石

泉縣有石紐山石泉今屬龍安府山下有大禹廟長相傳禹以六月六日生此今以蜀紀元和志為據

于西羌

今洮岷松茂古為西羌

封夏伯故曰伯禹天下宗之故



曰大禹

子丙元歲王即位國號夏

王既為衆所歸乃即天子位因所封國為有天下之

號以金德王

都安邑

今山西解州夏縣北有安邑故城禹所都帝王世紀禹先封陽翟後都安邑

以建寅月為歲首改載曰歲

天開于子地闢于丑人生于寅歲首建寅得人之正

是謂人統

以平旦為朔

朱子論語注夏以寅為人正商以丑為地正周以子為天正然時以作事歲月自當以人為紀故孔子嘗曰吾得夏時焉而又以告顏子也

色尚黑

牲用元戎爭乘驪

馬深黑色

朝燕服收

冕屬取斂髮之義

冠而黑

衣

封丹朱于唐

即堯初所封注見前

商均于虞

今河南歸德府虞城縣

立貢法

一夫受田五十畝每夫計其五畝之八以為貢

建學

國學曰學大學為東序在國中小學為西序在西郊

鄉學曰校

養老

養國老于東序養庶老于西序俱以饗禮

體薦不食爵盈不飲

立而不坐以尊卑為獻數畢而止

作大夏樂

命皋陶為夏箛九成

淮南子夏后氏其樂夏箛九成箛樂器也

昭成功

也

# 定車制

初黃帝作車少昊加牛奚仲

任姓黃帝之後封于薛是為薛之始祖薛故城

在今山東兗州府滕縣

加馬王乃命仲為車正建綏

讀為綏即干旄旆

繼旄曰旆旗尾也

以別尊卑等級

# 以五聲聽治

揭鐘鼓磬

石音之器

鐸

鈴屬

鞀

與鼓同小鼓也

五器于庭而銘于

篳簹

橫曰篳植曰簹所以懸樂器

曰導寡人以道者撾鼓喻以義

者鼓鐘告以事者振鐸語以憂者擊磬有獄訟者揮  
鉞常曰吾不恐四海之士留于道路恐其留吾門也  
故嘗一沐三握髮日中不暇食以禮有道之士焉

絕旨酒

儀狄

人名戰國策昔者帝女令儀狄作酒路史以儀狄為帝女非是

作酒王飲而甘

之曰後世必有以酒亡其國者遂疏儀狄而絕旨酒

會諸侯于塗山

在今江南鳳陽府懷遠縣山南有禹會村

承唐虞之盛執玉帛者萬國

塗山之會執玉帛者萬國也黃帝百里之國萬



區同一荒渺  
洪造益多識其  
焉履祥金氏以  
為史傳之侈辭  
良然

丁丑 二歲皋陶薨

王舉皋陶將授政而皋陶薨封其後于英

今江南六安州英山

縣有古英氏城史記索隱皋陶之後封此後改為蓼國

六

今六安州古六國也

舉益為相

戊寅 三歲考功

己卯 四歲鑄九鼎

禹鑄九鼎漢書  
及他記載皆同  
金氏履祥獨採  
墨子之說以為  
后啓所鑄拾遺  
傳而從子書非

王復九州九牧貢金鑄鼎象物使民知神姦入山林  
川澤不逢不若用能協于上下以承天休

是至鑄鼎象物  
左傳猶稱近古  
胡氏宏乃以為  
圖九州道里貢  
賦夫道里貢賦  
何以稱求物耶  
蓋好異逞臆之  
病紀事者所不  
免

祇台德先之世  
即有不共命若

庚辰  
五歲巡狩

王出見罪人下車問而泣之左右曰罪人不順道君  
王何為痛之王曰堯舜之人皆以堯舜之心為心寡  
人為君百姓各自以其心為心是以痛之王濟江  
前黃龍負舟舟人恐王神色不變曰吾受命于天竭力  
以勞萬民生性也死命也龍何為者須臾龍俛首低  
尾而逝

癸未  
八歲會諸侯于會

與檜

稽

今浙江紹興府會稽縣  
以會稽山名在縣東南防

防風氏者易所  
謂不庭者也後  
夫山也後王之  
訖蓋有不得已  
然周書曰其克  
詰爾戎兵以陟  
禹之跡亦可見  
大禹立政之大  
端矣

風氏

今浙江湖州府武康縣古防風氏國後至戡之

王崩葬會稽

大禹陵在會稽山

王會諸侯計功而崩因葬焉命曰會稽

會稽者會計也

王敏

給克齊其德不違其仁可親其言可信聲為律身為

度不寶尺璧而貴寸陰聞善言則拜見耕者五耦而

式過十室之邑必下為有秉德之士存焉是時天下殷

盛公家有三十年之積私家有九載之儲政令流行

百姓親睦王年十四而始用九十三而踐位百歲而

崩在位八年既崩益避王之子于箕山

在今河南河南府登封縣

之陰天下不歸益而歸王之子啓乃即天子位

后啓

禹娶塗山氏

漢書地理志九江郡當塗應劭曰禹所娶塗山侯國也當塗故城在今鳳陽

府懷遠縣

生啓荒度土功過門弗入塗山氏能明訓教啓

化其德卒成令名

見列女傳

甲申元歲諸侯奉嗣子即位

金氏履祥曰三代以來嗣君皆踰年而稱元與堯舜禹之間不同故胡氏大紀於啓甲申書元今從之

西 二歲伯益歸政就國

後益薨王歲以犧牲祀之

臺之享史書言歲月然當

丙戌 三歲大享于鈞臺

在今河南開封府禹州大陵之西俗曰臺陂亦曰啟益亭地道記昔

伯益歸政之蓋初年尚在

夏后啟筮享神于大陵即此

夏不當大享年啟始親政

王既即位諸侯會同乃即鈞臺而大享焉

諸侯來朝是以鈞臺之享是

伐有扈

今陝西西安府鄠縣夏扈國

諸侯皆至而扈不服故有

有扈氏不服王伐之召六卿而誓曰有扈氏威侮五

之戰即此知

之賢能敬承

行怠棄三正

天地人三正

天用勦絕其命今予惟恭行天

之罰大戰于甘

今鄂縣西南有甘亭  
啟誓師處亦曰甘澤

遂滅有扈

壬辰九歲序九辯九歌

朱子楚辭集註九  
辯九歌皆禹樂

禹象功作樂曰九辯九歌王敬承禹功乃序其樂而

歌之

王崩子大康立

王繼世而有天下持禹之功不替德教施于四海在  
位九年而崩年九十一

后太康

癸巳  
元歲

王尸位以逸豫滅厥德黎民咸貳夏政始衰

辛亥  
十有九歲王畋于洛表洛水注羿距王于河洛在河南羿距

于河  
王居陽夏今河南陳州府太康縣

王畋于有洛之表十旬弗反有窮后羿蔡沈書傳窮國名羿窮國

君之名因民弗忍距于河王不得入國遂築陽夏之城

而居焉太康縣陽夏故城路史夏太康所築

五子作歌

太康失邦昆弟五人須于洛汭

洛水入河之處

乃述大禹之

戒以作歌

其一曰皇祖有訓民可近不可下民惟邦本本固邦寧予視天下愚夫愚婦一能勝

予一人三失怨豈在明不見是圖予臨兆民凜乎若朽索之馭六馬為人上者奈何不敬其二曰訓有之內作色荒外作禽荒甘酒嗜音峻宇雕牆有一于此未或不亡其三曰惟彼陶唐有此冀方今失厥道亂其紀綱乃底滅亡其四曰明明我祖萬邦之君有典有則貽厥子孫閔石和鈞王府則有荒墜厥緒覆宗絕祀其五曰嗚呼曷歸予懷之悲萬姓仇予予將疇依鬱陶乎予心顏厚有忸怩弗慎厥德雖悔可追

二十有九歲王崩于陽夏弟仲康立

王在位十九歲失政十歲而崩



后仲康

五子之一

壬戌元歲命胤侯

胤國名路史以為利之胤山地在四川保寧府廣元縣

掌六師

秋九月朔辰弗集于房

劉氏炫曰房所舍之次也集會也會合也不合則日蝕可知

癸亥二歲命胤侯征羲和

侯告于衆曰羲和顛覆厥德沈亂于酒畔官離次俶擾天紀遐棄厥司乃季秋月朔辰弗集于房瞽奏鼓

嗇夫馳庶人走義和尸厥官罔聞知政典曰先時者  
殺無赦不及時者殺無赦今予以爾衆士奉將天罰  
爾衆士同力王室尚弼予欽承天子威命

林氏之奇曰仲康即位

位之始即能命胤侯掌六師以收兵權義和之罪雖  
曰沈亂于酒然黨于羿同惡相濟胤侯承王命征之  
以翦羿之羽翼故終仲  
康之世羿不得以逞

子甲  
三歲羿滅伯封

伯封后夔之子也羿滅之夔是以不祀

金氏履祥曰左傳所載伯封事似失之誣不具錄據  
路史禹命伯封叔作衍厯是伯封夏之天官仲康征

義和而夷羿滅伯封  
直與王室爭諸侯耳

甲戌十有三歲王崩子相立

后相

乙亥元歲徙都商邱今河南歸德府商邱縣

王為羿所逼遷于商邱依斟灌今山東青州府壽光

縣東北有斟灌城應  
劬曰古斟灌禹後  
斟尋氏今山東萊州府濰縣東有

斟亭應劭曰  
古斟尋禹後

征畎夷九夷之一

商邱在河南而斟灌斟尋乃在山東青萊所謂馬牛風不相及何能相依或其時來從王難耶然云相依則是藉其土地人民之勢也古史荒冷鮮實可見一

辛巳七歲畎夷來賓

自太康失政四夷背叛及王即位始征畎夷七歲然

後來賓

壬午八歲寒

國名今山東萊州府濰縣東有寒亭古寒國

浞寒君殺羿

羿自鉏

今河南衛輝府滑縣有鉏城羿初居于此

遷于窮石

左傳注河南有窮谷羿所

也遷因夏民以代夏政恃其善射不修民事而淫于原

獸棄武羅伯因熊髡龙圉

四人皆羿之臣也

而用伯明氏

寒國

之之讒子寒浞使為已相浞行媚于內施賂于外愚

美其民而虞

同娛

羿于田樹之詐慝以取其國外內

咸服羿猶不悛將歸自田家衆逢

音尤

蒙

路史作鹿門

殺

而烹之

壬寅二十有八歲寒浞使其子澆弑王于商邱

注見前

王后

緡歸于有仍

路史仍太昊後即任也地在今山東兗州府濟寧州

臣靡奔有鬲氏

今山東濟南府德州北有鬲縣故城古鬲國

浞因羿室生澆

即豸

及殪使澆用師滅斟灌斟尋遂

弑王王后緡方娠逃出自竇歸于有仍遺臣靡奔有

國之統繫于君  
春秋之義君在  
即大統歸之新  
本書更始之年  
則天紀房陵之  
蹟皆此意也胡  
氏大紀以少康  
所生之年為元  
歲足糾皇極經  
世之誤然是時

鬲泥乃處澆于過

今萊州府掖縣北有過鄉

處澆于

戈

左傳注戈在鄭宋之間孔穎達曰  
傳所云鄭宋之隙地戈出錫是也

后少康

癸卯

元歲相后緡生少康于有仍

金氏履祥曰癸卯以後皇極經世缺四十年不書胡  
氏大紀即以少康所生之年為元歲蓋少康既生則

夏統不絕

今從之

甲子

二十有二歲少康自有仍犇虞

注見前

少康為仍牧正甚

毒也

澆能戒

備也

之澆使叔

澆臣

見之不亡其亦如綫耳

求之逃奔有虞為之庖正虞思

虞君

于是妻之以二

姚而邑諸綸

今虞城縣東南有綸城括地志夏少康邑

有田一成有衆一

旅能布其德而兆其謀以收夏衆撫其官職

壬午四十歲靡誅寒浞立王王誅澆及豷

靡自有鬲氏收二國

澆尋

之燼以滅浞而立少康少

康使女艾

少康臣路謀候也史女作汝

澆使季杼

少康子

誘豷遂

滅過戈復禹之績祀夏配天不失舊物

胡氏宏曰少康靡鬲受困阨而不渝濱死亡而不怠兢兢業業經營四十年然後克殄元凶不失舊物故

唐臣虞世南論歷代中  
興之主以少康為冠

方夷

亦九夷之一

來賓

夷人久畔王既立遂賓于王門獻其樂舞

癸卯

六十有一歲封庶子無余于越

是為越之祖

禹葬會稽太康而後歲弗及祀王乃封其少子于越

號曰無余從民所居居于秦餘

今會稽縣東有侯城水經注越無余初居

于此春秋奉禹祀

王崩子杼立



王生長艱危備嘗險阻卒成再造之功為中興之主  
年四十而復國在位實二十二歲

后杼

史記作子路史作  
伯杼前編作季杼

甲辰元歲

戊申

五歲征東海伐三壽

路史以為即平壽今萊  
州府維縣有平壽故城

庚申

十有七歲王崩子槐立

王佐少康戡定寒氏之亂帥禹之道故夏后氏報焉

宗其有  
德也

后槐帝王世紀作芬

辛酉元歲

丙戌二十有六歲王崩子芒立

后芒史記芒一名和

丁亥元歲以元圭賓于河乃東狩于海

甲辰十有八歲王崩子泄立

后泄路史作洩是為世宗

乙巳元歲加六夷爵命

吠夷白夷赤夷元夷風夷陽夷六屬來王于是始加

爵命

庚申十有六歲王崩子不降立

后不降世紀作  
帝降

辛酉元歲

丙寅六歲伐九苑戎名

己未五十有九歲王崩弟扁立

后扁路史或  
曰高陽

庚申元歲

庚辰二十有一歲王崩子厯立

后厯

世紀一名頓

辛巳元歲

辛丑二十有一歲王崩不降之子孔甲立

后孔甲

壬寅元歲

甲辰三歲以劉累陶唐氏之後生而有文在手曰劉累因以為名為御龍氏

時天降二龍雌雄各一王不能食音嗣

音嗣

有劉累者學

擾龍于泰龍氏

左傳颺叔安裔子曰董父能擾畜龍以服事舜舜賜之姓曰董氏為秦龍

能飲食之王嘉累賜氏曰御龍龍一雌死潛醢以食

王既而王使求之累懼奔魯

州今  
魯河  
山南  
縣汝

採首山

前注見

鐵鑄劍

陶宏景古今錄作  
八歲今依前編輯

二十有七歲商湯生

契封于商十二傳而至主癸

契生昭明昭明生相土  
相土生昌若昌若生曹

國曹國生冥冥生振振生徽徽生報丁報丁生  
報乙報乙生報丙報丙生主壬主壬生主癸

生履

是為成湯

帝王世紀主癸之妃扶都見白氣貫月感而生湯

壬申三十有一歲王崩子皐立

王好事鬼神肆行淫亂作破斧之歌是為東音諸侯化之夏政日衰

后皐

癸酉元歲

癸未十有一歲王崩子發立

后發

路史作敬發亦曰發惠

甲申元歲

壬寅十有九歲王崩子癸立是為桀

后癸

癸卯元歲

王淫虐有殊力能伸鉤索鐵生裂兕虎負恃其勇不務德而武傷百姓有趙梁者教為無道勸以貪狠百

姓弗堪

甲子二十有二歲公劉路史公劉去后遷于豳今陝西邠州三水縣

有幽城公  
劉所居

初舜封后稷于邠

注見前

子孫實世稷官服事虞夏傳

至不密

史記以不密為后稷之子譙周引國語辯之以為不合事情張守節羅泌等亦言其非辭

錄不具載

值夏道衰去稷弗務用失其官竄于戎狄之間

程大昌曰慶州有不密城

再世至公劉

不密生鞠鞠生公劉

乃

慶州今甘肅慶陽府是

從于幽復修后稷之業百姓懷之多徙而歸焉周道

之興自此始

三十有三歲伐蒙山有施氏進妹喜

韋昭國語注有施喜姓國妹其

乙亥



也女

自孔甲之後王室德政日衰諸侯或不朝王伐蒙山  
有施氏有施氏進女妹喜王嬖之所言皆聽妹喜好  
聞裂繒聲王發繒裂之以順適其意為瓊室象廊瑤  
臺玉牀行淫縱樂政事怠廢又為肉山脯林酒池可  
以運舟一鼓而牛飲者三千人以為戲劇

丁丑三十有五歲商湯嗣為諸侯始居亳

周書立政三亳  
皇甫謐曰蒙為

北亳即景亳湯受命之地穀熟為南亳湯初所都偃師  
為西亳湯後所都盤庚徙此北亳今歸德府商邱縣

之薄縣故城是南亳今商邱縣之南亳  
城是西亳今河南府偃師縣之亳城是

自契至于成湯八遷

契居商昭明居砥石相土居商邱湯居亳孔穎達曰事見經傳

者有此四遷湯始居亳

即南亳

戊寅三十有六歲商湯征葛

今歸德府寧陵縣有葛鄉夏葛伯國

湯為方伯得專征伐葛伯不祀湯始征之

書序湯征葛伯作湯

征今其篇亡

巳卯三十有七歲商湯進伊尹

伊尹名摯

皇甫謐曰力牧之後生于空桑今開封府杞縣西有空桑城寰宇記伊尹生于此

耕于有莘

今山東曹州府曹縣北有莘城古莘國

之野湯三使往聘之

尹乃就湯湯薦尹于王自亳凡五適夏告以堯舜之

道王終不聽

壬午四十歲伊尹復歸亳

王與羣臣俱沉湎于酒羣臣相持而歌曰盍歸于薄

即亳

薄亦大兮伊尹聞之進告于王曰天命之亡有

日矣王啞然笑曰吾有天下如天之有日也日有亡

乎日亡吾乃亡耳于是伊尹接履而趨復歸于亳

書序

伊尹去亳適夏既醜有夏復歸于亳入自北門遇汝鳩汝方作汝鳩汝方金氏履祥曰孟子伊尹五就湯桀之說或本此書惜其篇亡不可考矣

蘓氏轍曰伊尹以處士從湯及其適夏湯與知之具君臣之心以為伐桀以濟斯世不若使尹事桀以止其亂雖使夏不亡商不興無憾也及其不可復輔于是舍而歸商耳其後文王事紂亦為之三公至將曰而殺之然後棄之而西蓋湯之于桀文王之于紂其不欲遽去之者如此此所以為湯文而非後世之所能及也歟

甲申

四十有二歲囚商湯于夏臺

即鉤臺

既而釋之

湯出見人張網四面湯解其三面祝曰欲左者左欲

右者右惟不用命者乃入吾網諸侯聞之曰湯德及禽獸歸之者四十餘國王疾其大得諸侯和也召之囚于夏臺已而得釋

五十歲會諸侯于有仍氏注見前有緡氏今山東兗州府金鄉縣有

東緡故城夏有緡國 叛攻克之

王肆其侈心為有仍之會有緡氏見王汰侈弗善也引師先歸王怒率諸侯攻克之愈自矜肆諸侯韋氏

今衛輝府滑縣有帝城 顧氏今曹州府范縣有 昆吾

氏

今直隸大名府開州有昆吾故城夏昆吾國與顧國俱已姓

助王之惡以虐其

民

癸巳

五十有一歲太史令終古犇商

王鑿池為夜宮男女雜處三旬不朝終古執圖泣  
諫不聽遂奔商

冬十月鑿山穿陵以通于河

諫者曰洩天氣發地藏天子失道後必有敗王殺之  
耆老或諫王又殺之王見錄書云亡夏者桀于是大

誅豪傑大費

即伯並

之後曰費昌徙族以歸于湯

甲午五十有二歲殺諫臣關龍逢

音虓

王不道愈甚關龍逢進諫曰古之人君愛民節用享國之日長今王用財若無窮殺人若弗勝亡無日矣盍少悛乎不聽龍逢立而不去王怒遂殺之

兩日鬪五星錯行泰山崩伊洛竭

伊水出陝州盧氏縣焦耳山至河南府偃

師縣入洛洛水注見前

未五十有三歲湯伐昆吾遂攻鳴條

今山西解州安邑縣有鳴條岡王

師敗王奔南巢

今江南廬州府巢縣有巢王城巢奔此

夏亡

昆吾氏為亂湯乃興師率諸侯伊尹相湯湯自把鉞

以伐昆吾遂誓師攻鳴條

書序伊尹相湯伐桀戰于鳴條之野作湯誓

王

師敗績王奔南巢因放馬

書傳王出太行涉河奔南巢湯縱而不迫故稱放

後三年卒于亭山

淮南子作厯山即今江南和州厯陽山

王滅德任威

棄義聽讒諸侯危其位大夫隱其道舉事戾于天發

令逆其時遂至于亡自禹至桀十七君十四世合紀

共四百三十有九年

卽子經世書夏起自禹丁巳蓋統攝政之年而紀之也繫夏亡



于桀之甲午蓋以乙未歲為湯革命之年也今自禹丙子即位至桀乙未葬南巢總而計之其乙未歲兩

繫于夏  
商之代

商起湯乙未至紂戊寅凡二十八王十六世六百四十四年其紂之己卯兩繫于商周之代紀數則屬于周

商王成湯

子姓名履一曰天乙契之十四世孫系見前以有武德

亦曰武王詩商頌武王載旆  
史記湯號曰武王

乙未十有八祀即夏桀五十三歲春三月王即位于亳國號商

王歸自克夏諸侯咸推王為天子王再拜而讓者三

乃即位于亳

帝王世紀湯歸于亳再拜而從諸侯之位曰天下惟有道者宜處之三讓乃即

天子位

因所封國為有天下之號以水德王

金氏履祥曰古史不載湯改元劉道原載之非其實也湯之元已立于桀之三十六歲又可改乎

都亳

史記正義湯即位都南亳後徙西亳

改建丑月為歲首歲曰祀

十二月建丑得地之正是為地統

以雞鳴為朔

色尚白

牲用白牡戎事乘翰

白馬

朝燕服哂

音許取覆節之義

冠而

縞衣

大誥諸侯

書序湯既黜夏命作湯誥

諸侯來朝乃作誥與天下更始

以伊尹仲虺

即萊朱奚仲之後

為相

伊尹為左相仲虺為右相虺因王放桀有慙德乃作

誥以釋之

書序湯歸自夏至于大坰仲虺作誥傳大坰地名

立禹後及古聖賢之裔封孤竹

今直隸永平府古孤竹國神農之後史記索隱

孤竹君商湯所封應劭曰姓墨胎氏

等國有差

告羣后曰古禹皋陶久勞于外四瀆已修萬民乃有  
居后稷降播農殖百穀三公咸有功于民故後有立  
禹之後封杞後為東樓公周再封稷之後公劉居豳  
皋陶之後咎單為司空伯益之後費昌亦為諸侯奚  
仲之後仲  
虺為相

制爵祿

制爵公侯

皆百里

伯

七十里

子男

皆五十里不能五十里曰附庸

凡五等

諸侯之上大夫卿下大夫上士中士下士亦五等天子之  
三公視諸侯卿視伯大夫視子男元士視附庸制祿

凡國之君皆十卿祿卿四大夫祿

次國三大夫小國倍

下大夫

倍上士上士倍中士中士倍下士下士視上農夫庶人在

官者

府史胥徒之屬

其祿視農夫上

食九人食八人

中

食七人食六人

下

食五人  
之次為差

金氏履祥曰王制與周禮不同舊說以為殷禮故依胡氏採錄以見成湯紀綱天下之大規

### 立助法

為井田之制以六百三十畝之地畫為九區區七十畝中為公田其外八家各授一區但借其力以助耕

公田而不復稅其私田故曰助

建學

國學曰學大學為右學在西郊小學為左學在國中  
鄉學曰序

養老

養國老于右學養庶老于左學俱以食禮

有飯有葷設酒而不飲以

飯為主

制官刑

儆于有位曰敢有恒舞于宮酣歌于室時謂巫風

常歌

常舞若巫現然

敢有殉于貨色恒于遊畋時謂淫風

過而無度敢

有侮聖言逆忠直遠者德比頑童時謂亂風

悖禮曰亂

惟

茲三風十愆卿士有一于身家必喪邦君有一于身

國必亡臣下不匡其刑墨具訓于蒙士

始作圉

取禽獸以奉宗廟

作器用之銘

諸器用皆作銘以自警戒其盤銘曰苟日新日日新  
又日新

作大濩樂

命伊尹作樂曰大濩

呂氏春秋湯放桀黜首安寧乃命伊尹作為大濩

丙申十有九祀大旱

祀棄以配稷

舊以農

炎帝子柱

配稷至是大旱易以棄配

戊戌二十有一祀鑄金幣



伊尹言于王發莊山鹽鐵論作嚴山考漢書蜀嚴道有銅山後漢避諱改莊為嚴此

莊山蓋即嚴道之銅山也之金鑄幣以賑民

辛丑 二十有四祀禱于桑林地名呂氏春秋周封湯後于宋以奉桑林據此桑林當在

宋地 雨

大旱七年王禱于桑林之野祝曰毋以予一人之不敏傷民之命以六事自責曰政不節與民失職與宮

室崇與女謁盛與苞苴行與讒夫昌與言未已大雨方

數千里胡宏大紀湯禱桑林而雨天下誰洽遂作桑林之樂名曰大濩前編載之考左傳宋公享

應天以實不以文六事自責湯之至誠對天如此其致雨不致雨非湯所敢逆料德說身為犧牲剪髮斷爪非聖人所為殊不

足據

晉侯于楚邱請以桑林注桑林殷天子樂孔穎達疏曰湯樂大漢其曰桑林先儒無說惟皇甫謐曰殷樂

一名桑林然亦無文可憑  
今依孔疏大紀之說不取

丁未三十祀王崩葬汾陰

成湯陵在今山西蒲州府榮河縣文獻通考宋太祖初給守陵

戶廟號烈祖孫太甲立

王天錫智勇用集大命與人不求脩檢身若不及旁

求俊彥子惠困窮克寬克仁兆民允懷立十八祀而

革夏正踐天子位十三祀而崩年百歲子太丁早卒

外丙二年

言止二歲

仲壬四年

止四歲

伊尹奉太丁之子太

程子之說原本書傳及孔穎達疏最為明確即以經世書甲子推之太甲立于戊申直接涉之

丁未中間亦並  
無六年之期則  
外丙二年仲壬  
四年是定年如  
俗所云年數歲  
而已非在位年  
更無疑義

甲即位

考孟子外丙二年仲壬四年史記以為即位二年四年而崩趙岐孟子注並同程子則謂

古人謂歲為年湯崩時外丙二歲仲壬四歲惟太甲差長故立之大紀亦言成湯必不合孫而立子且經世書亦無外丙仲壬名世稱之尤詳今以程子為據不從史記

王太甲

戊元祀伊尹奉王見于祖

書序太甲元年伊尹作伊訓建命祖后凡三篇其二亡

伊尹祠于先王奉嗣王祗見厥祖百官總己以聽冢

宰伊尹乃明言烈祖之成德以訓于王

王居于桐宮

書傳桐湯葬地元和志聞喜縣桐鄉故城在縣西南舊以為伊尹放太甲之所今考

其地與蔡  
河湯陵近

王習與性成欲敗度縱敗禮罔念聞伊尹之戒伊尹  
乃營桐宮而居之曰密通先王其訓無俾世迷

巳  
百二祀王在桐宮

庚  
戌三祀伊尹奉王歸于亳

王居桐三年處仁遷義伊尹以冕服奉王歸亳復政

于王  
書疏太甲自初立至放而歸伊尹每  
進言以戒史叙其事作太甲三篇

以伊尹為保衡  
書疏湯時伊尹為阿衡至太甲改為  
保衡言為天下所取安所取平也

伊尹告歸

伊尹既復政將告歸又陳戒于王

一作咸有一德

王益修厥

德諸侯咸服百姓以寧

庚辰三十有三祀王崩廟號太宗子沃丁立

商代祖有功而宗有德王克終湯業故號曰太宗

王沃丁

辛巳元祀

戊子八祀保衡伊尹薨

王親弔臨祀以太牢以三公禮葬之于亳

皇覽伊尹冢在己氏

平利鄉己氏故城在今山東曹州府曹縣縣東南有伊尹墓

以咎單為相

咎單訓伊尹之事作書以告于王

篇名沃丁今亡

己酉二十有九祀王崩弟太庚立

王太庚

商世兄終弟及者自太庚始

庚戌元祀

甲戌 二十有五祀王崩子小甲立

王小甲

乙亥 元祀

辛卯 十有七祀王崩弟雍已立

王雍已

壬辰 元祀

王居位不能綱紀庶政號令不行諸侯或不朝高道

始衰

癸卯 十有二祀王崩弟太戊立

王太戊

小甲之弟太庚之子

甲辰 元祀以伊陟臣扈為相巫咸佐之

巫咸臣姓名天文家謂殷宣夜之法

巫咸為之

陟尹之子也與扈及咸輔王大修成湯之政尚道復

興

桑穀共生于朝

書序伊陟贊于巫咸作咸又四篇今亡



時有祥桑穀共生于朝

書傳祥妖恠二木共生不恭之罰

一暮大拱

王懼伊陟曰臣聞妖不勝德王其修德王從之三日而祥桑枯死

丙午三祀諸侯畢朝

王修先王之政明養老之禮早朝晏退問疾弔喪三年遠方慕義重譯而至者七十六國

戊午七十有五祀王崩葬河北

中宗陵在今河南彰德府內黃縣宋開寶間樹碑

廟號中宗子仲丁立

王嚴恭寅畏天命自度治民祇懼不敢荒寧成湯之  
後至王而中興焉

王仲丁

己未元祀

甲子六祀遷都于囂史記作傲即敖山在今開封府滎澤縣西北水經注山上有城即仲丁所遷

辛未十有三祀王崩國內亂弟外壬立

王外壬

壬申元祀

丙戌十有五祀王崩弟河亶甲立

王河亶甲

丁亥元祀徙都于相今彰德府內黃縣南有殷城括地志河亶甲所都

囂有河決之患故遷相商復哀

乙未九祀王崩子祖乙立

王祖乙

丙申元祀徙都耿今山西蒲州府河津縣有耿城水經注商祖乙徙此

時相又有河決之患爰自相而遷于耿

甲九祀耿圯徙邢

今直隸順德府邢臺縣通典商祖乙遷邢即此

耿復為水所圯乃徙邢而都焉

書序仲丁遷囂作仲丁河宣甲居相作河

宣甲祖乙圯于耿作祖乙今其篇皆亡

以巫賢為相

賢咸之子也為相任職諸侯賓服天下大和

甲寅十有九祀王崩子祖辛立

王祖辛

乙卯 元祀

庚午 十有六祀 王崩弟沃甲立

王沃甲

辛未 元祀

乙未 二十有五祀 王崩國亂祖辛之子祖丁立

王祖丁

丙申 元祀

丁卯 三十有二祀 王崩沃甲之子南庚立

王南庚

戊辰元祀

士辰二十有五祀王崩祖丁之子陽甲立

王陽甲

癸巳元祀諸侯不朝

自仲丁以來廢適而更立諸弟子諸弟子或爭相代立比九世亂于是諸侯莫朝

己亥七祀王崩弟盤庚立

王盤庚

書序盤庚五遷  
蓋自湯徙西亳

庚子

元祀遷都于殷

即西亳  
今偃師

改國號曰殷

由是而篇而相  
而耿而邢凡經

時都河北既久宮室奢侈民居墊隘水泉渴鹵不可

五枝立經所謂  
不常厥邑于今

以行政化王欲徙成湯之故都臣民安土重遷咸相

五邦也家偏以  
書序無遷邢之

咨怨王乃作書告諭

書序盤庚將治亳殷民  
咨胥怨作盤庚三篇

渡河而

文遂以耿即為  
邢父以盤庚自

南復居于亳改國號曰殷

故曰  
亳殷

遵湯之德行湯之政

耿遷亳合數為  
五不知祖乙祀

商道復興諸侯來朝

于耿書序已明  
載之而遷邢之

丁卯

二十有八祀王崩弟小辛立

文又見經世書  
何說經家之好  
而聚訟耶

王小辛

戊辰元祀

殷道復衰

戊子二十有一祀王崩弟小乙立

王小乙

己丑元祀

甲寅二十有六祀幽宣父遷于岐  
岐山在今陝西鳳翔府岐山縣東北顏師古曰

其山兩改國曰周  
今岐山縣有周原帝岐故名  
王世紀周之名以此



亶父號古公繼公劉居豳

世本公劉慶節皇僕差弗  
偽榆公非辟方高圉侯牟

亞圉雲都祖紺諸藍亶父  
下較世本名或不同世有闕漏今故不採 能修世

業狄人侵之乃遷岐山之下民從之者如市改號其

國曰周

後漢書郡國志美陽有周城  
陽故城在今鳳翔府岐山下 美

丙辰 二十有八祀王崩子武丁立

王武丁

丁巳 元祀王宅憂以甘盤為相

王舊學于甘盤至是踐位以甘盤為相亮陰

音同

三

高宗中興令主  
然陶家傳巖之  
事教疑傷誠或  
當居民間時物  
色久屬時以起  
胥靡而作相恐  
人望未厭托之  
夢發圖形所為  
神道託教而已  
君非高宗臣非  
傳說如之何其  
可

年不言百官總已以聽于冢宰

已未三祀得傳說為相

王既免喪猶不言羣臣咸諫王于是思建良輔夜夢

得聖人曰說以夢所見視羣臣百吏皆非乃使百工

圖其像求之野時說為胥靡築于傳巖

史記作險今山西解州平

陸縣有聖人窟說版築處得之見王王曰是也與之語果聖人爰

立為相以傳巖姓之號曰傳說

作說命三篇

命說總百官咨學于說

王曰來汝說爾惟訓于朕志說曰王人求多聞時惟  
建事學于古訓乃有獲惟學遜志務時敏厥修乃來  
允懷于茲道積于厥躬

戊子

三十有二祀彤

音融祭之明日又祭曰彤

有雉雉于鼎

彤祭禰廟有飛雉升鼎耳而雉王懼祖已

奚仲之後

曰王

勿憂先修政事乃作書以訓于王

曰高宗彤日

王修政行

德天下咸驩

伐鬼方

朱子詩經集傳商頌殷武祀高宗之樂易曰高宗伐鬼方三年克之蓋謂此歟

考鬼方後漢

書通典通考皆以為西戎王應麟曰大戴禮帝繫篇陸終娶鬼方氏生子六人六曰季連芊姓楚其後也可以證朱子集傳之說今依之

鬼方恃固而擾諸夏王伐之三年乃克自是內外無患殷道復興

乙 五十有九祀王崩葬西華 殷高宗陵在今陳州府西華縣宋太祖初給守陵戶

廟號高宗子祖庚立

王為王子時父小乙欲其知民疾苦使居民間與小民出入同事故于稼穡艱難備嘗知之及即位不敢

荒寧嘉靖殷邦至于小大無時或怨遂成中興之業

王祖庚

丙辰元祀

壬戌七祀王崩弟祖甲立

王祖甲

初高宗欲廢祖庚而立王王以為不義而逃去及祖  
庫崩國人卒立之

癸亥元祀

庚寅

二十有八祀周古公亶父薨子季厯嗣

古公三子長曰太伯次曰仲雍

一名虞仲

少曰季厯季厯

娶太任

摯國之仲女任姓路史摯祖已封今蔡州之平輿有摯亭平輿故城在今河南汝寧府汝

陽縣

端一誠莊惟德之行生子昌有聖瑞

史記正義引赤雀銜丹書

止于昌戶為聖瑞今不取

古公欲傳國以及之曰吾世當有興者

其在昌乎太伯仲雍知指乃以採藥為名逃之荆蠻

即勾吳地界楚越故曰荆蠻

斷髮文身以讓季厯至是古公薨季

厯嗣

是為公季

三十有三祀王崩子廩辛立

王在田間久故即位之後知小人之依能保惠于庶

民史記祖甲淫亂殷復哀與尚書無逸異孔傳以祖甲為太甲與蔡傳異

王廩辛

丙申元祀

辛丑六祀王崩弟庚丁立

王庚丁

壬寅元祀

壬戌二十有一祀王崩子武乙立

王武乙

癸亥元祀

甲子二祀遷都河北

即朝歌帝王世紀武乙徙朝歌其故城在今衛輝府淇縣

丙寅四祀王畋于河渭震死子太丁立

王無道為偶人謂之天神與之博令人為行

代之行也天

神不勝乃僂辱之為革囊盛血仰而射之命曰射天

獵于河渭之間暴雷震死



王太丁

丁卯元祀

己巳三祀王崩子帝乙立

王帝乙

庚午元祀命周公季歷為牧師加九命作伯

季歷薦行于義諸侯順之嘗伐西落鬼戎

諸戎皆西羌之種

至是又伐余無始呼翳徒之戎皆克之王嘉其功錫之圭瓚秬鬯加九命為侯伯

子丙七祀周公季厯薨世子昌嗣為西伯是為周文王

西伯遵后稷公劉之業則古公公季之法薦仁敬老

慈幼禮下賢者日中不暇食以待士孤竹注見前君之

二子伯夷叔齊讓國不受聞西伯善養老往歸之泰

顛書傳泰閔散皆氏鬻子顛項之裔名熊辛甲

殷臣亦皆歸焉嘗行于野見枯骨命吏瘞之吏曰此

無主矣西伯曰有天下者天下之主有一國者一國

之主吾固其主矣以棺衾葬之天下聞之曰西伯澤

及枯骨況于人乎

士辰二十有三祀西伯昌生子發

西伯娶有莘氏聖女曰太姒

今陝西同州府郃陽縣有莘里古莘國寰宇記

武王母太姒即此國女孫伊尹耕處別為一莘非洽陽渭溪之莘

西伯治外太姒治

內德政流布風化大興太姒有十子長伯邑考蚤卒  
次發性慈和有聖德西伯以為世子次旦仁聖多材

藝西伯任以政

管叔鮮蔡叔度曹叔振鐸邠叔武霍叔慶康叔封聃季載皆太姒子

丙午三十有七祀王崩子辛立

是為紂

微子啓以母賤  
不得立使立啓  
既何致亡後世  
立嫡之論觀此  
猶不悟者非愚  
而何

王長子曰微子啓啟母賤不得立少子辛辛母正后  
立為嗣

王受辛

丁元祀

王資辯捷疾聞見甚敏材力過人性汰侈好酒色始

為象箸箕子

王諸父封箕子爵也今山西連州榆社縣有箕城

歎曰今為象

箸必為玉杯玉杯象箸必將食熊蹯豹胎它又將稱是王

求足欲天下殆哉

甲八祀伐有蘇路史已姓國寰宇記蘇城在濟源西北獲妣已

王伐有蘇氏得其美女妣已嬖之惟其言是聽使師

涓一作師延作朝歌北鄙之音北里之舞靡靡之樂造鹿

臺廣三里高千尺遺址在今衛輝府淇縣為瓊室玉門厚賦歛以實鹿

臺之財盈鉅橋倉名在今直隸廣平府曲周縣東北之粟大聚樂戲于沙

邱臺名在今直隸順德府平鄉縣東北以酒為池縣肉為林使男女裸

而相逐其間宮中九市為長夜之飲百姓怨望諸侯

有叛者妣已以為法輕威不立王乃為銅柱以膏

塗之加于藝炭之上使有罪者緣焉輒墮炭中王與  
妲己相為笑樂名曰炮烙之刑

丁巳十有一祀囚西伯于羑

音酉

里

今河南彰德府湯陰縣有牖城魏書地形

志即羑里字音相近古通用

王以西伯昌九侯

一作鬼侯史記注鄴縣有九侯城在今彰德府涉縣

鄂侯

一作邶後漢書郡國志河內懷有邶城在今河南懷慶府河內縣

為三公九侯有女

納于王女不喜淫王怒殺之而醢九侯鄂侯爭之并

脯鄂侯王又剖孕婦視其胎斲朝涉之胫視其髓西

伯聞之竊歎崇侯虎

今西安府鄠縣夏為扈殷為崇

知之以告王且

曰西伯將叛王怒囚西伯于羑里西伯曰父有不慈子不可以不孝君有不明臣不可以不忠豈有君而可叛乎乃演易作六十四卦象辭

巳未十有三祀釋西伯賜弓矢鉞鉞使專征伐

西伯之臣日夜憂懼謀救其君竭國中珍寶良馬因

嬖臣費仲

費昌之後

以獻諸侯亦為西伯請王乃赦西伯

西伯出而獻洛西之地

沮洛之西今陝西延安府宜川縣界非伊洛也請

三分天下有其二以服事殷此文王之志也獻地請除刑與陳氏之以家量貸而以公量收之

何異市惠行樹  
似非聖人所為  
丁不能無疑

除炮烙之刑許之賜弓矢鉞鉞使專征伐

庚申

十有四祀虞

今山西解州平陸縣有虞城  
殷虞國舜之後是為西虞

芮

今解州  
芮城縣

有芮故城

質成于周

殷芮國

虞芮之君相與爭田久而不平乃相與朝周入其境

耕者讓畔行者讓路入其邑男女異路斑白不提挈

入其朝士讓為大夫大夫讓為卿二國之君感而相

謂曰我等小人不可以履君子之庭乃相讓以其所

爭為閒田

今平陸縣有閒  
原俗呼讓畔城

天下聞而歸之者四十餘國



西<sup>辛</sup>十有五祀西伯得呂尚于渭陽

渭水出甘肅渭源縣鳥竄同穴山至華陰

縣入河水北曰陽

尚四岳之裔也西伯將出獵卜之曰非龍非鸞非熊  
非羆所獲霸王之輔于是西伯獵果遇尚于渭水之  
陽時年已七十餘與語大悅曰自吾先君太公曰當  
有聖人適周子真是耶吾太公望子久矣故號之曰

太公望載與俱歸立為師

武王尊為師尚父

成<sup>壬</sup>十有六祀西伯伐密須

今甘肅平涼府靈臺縣有陰密故城殷密須國

初西伯問太公孰可伐太公曰密須管叔曰其君彊

明伐之不可太公曰先王伐逆不伐順伐險不伐易

遂自阮

國名在平涼府涇州

徂共

阮之邑今涇州共池是

而及密須密須

人自縛其君而來歸

丑十有九祀西伯伐崇

注見前

作豐邑

豐即崇國地雍錄文王都豐在鄠縣

豐水之西徙都之

有豐宮

西伯伐崇令曰無殺人無壞屋無塞井無伐木無掠六畜違者不赦三旬崇弗降乃攻滅之作邑于豐遂

徙都焉

寅丙

二十祀西伯昌薨世子發嗣

是為周武王

西伯寢疾謂世子曰見善勿怠時至勿疑去非勿處此三者道之所以止也世子再拜受教西伯薨葬于

畢

周文王陵在今陝西西安府咸陽縣

周有天下乃追謚曰文王

丁丑

三十有一祀西伯發戡黎

書大傳史記俱作者注見帝堯伊耆下

王以費仲為政費仲善諛好利又用蜚廉

伯益裔善走惡

來

蜚廉子

蜚廉惡來善讒譴諸侯益疎黎侯近于王

畿不恭王命王方日夜極意聲色不知治也西伯伐

而勝之祖伊

祖已後

知周德日盛既已戡黎勢必及殷

恐懼而奔告于王

作西伯戡黎

王曰我生不有命在天祖

伊反曰王不可諫矣

考戡黎之事自史遷以為文王于是傳注皆從其說金氏履祥

曰文王三分天下有其二以服事殷豈遽稱兵天子之畿且祖伊之言如是其急吳氏城以為戡黎之役當在伐紂之時其說誠然因并引大紀及呂祖謙諸儒之說而以戡黎係武王今從之

三十有二祀殺少師比干

王諸父

囚太師箕子

注見前

微

子

即啟王庶兄封微子爵也今山西潞安府潞城縣有微子城

去之

少師比干彊諫王大怒曰比干自以為聖人吾聞聖  
人心有七竅信有諸乎乃殺比干剖視其心箕子懼  
被髮佯狂而為奴王又囚之微子既數諫度王終不  
能聽遂去之以存宗祀

書序殷既錯天命微子作誥  
父師少師書傳告二師而去

紂

己卯三十有三祀西伯發大會諸侯于孟津

注見前

誓師渡

河

諸侯不期而會者八百國西伯徇師而誓

作泰誓  
三篇遂

逾孟津

史記武王東觀兵至于盟津渡河中流白魚躍入王舟中王取以祭既渡有大自上復于

下至于王屋流為鳥其色赤其聲魄時諸侯會者皆曰紂可伐矣王曰天命未可乃引師還居二年乃復伐紂考書序惟十有一年武王伐殷一月戊午師渡孟津作泰誓三篇蔡沈集傳曰十一年十三年之誤也序本依倣經文偶誤三而為一漢孔氏遂以為十一年觀兵十三年伐紂司馬遷因之訛繆相承後儒遂以為實然不知武王蓋未有觀兵之事也蔡傳之說蓋本伊川程子并朱子書今從之

王率衆拒周師于牧野

地理今釋牧一作坻在今衛輝府淇縣南

兵潰王自

焚商亡

周師既渡孟津陳于商郊王發兵七十萬人拒之牧

野西伯臨戰誓衆

作牧誓

左仗黃鉞右秉白旄以麾王

師雖衆皆無戰心倒戈以開周師周師馳之皆奔潰  
王反走登鹿臺衣其寶玉衣自燔而死王言足以拒  
諫知足以飾非矜人臣以能以為皆出已下播棄黎  
老崇信姦回慢神虐民婦言是聽身死國亡天下之  
惡歸焉商自成湯受命至紂傳二十八王十六世合  
計共六百四十有四年

御批歷代通鑑輯覽卷二



欽定四庫全書

總校官進士

臣

程嘉謨

校對官編修

臣

吳舒帷

謄錄監生

臣

李邦燮

欽定四庫全書薈要

史部

御批歷代通鑑輯覽卷三



詳校官原任編修臣徐立綱

欽定四庫全書薈要卷七千四百五十六

御批歷代通鑑輯覽卷三

周

起武王十三年己卯至赧王五十九年乙巳凡三十七王三十三世八百六十七年又東周君七年共八

百七十



姬姓名發后稷之後

系見前

嗣文王為西伯興師伐紂

遂革殷命

己卯十有三年春

即商紂三十祀

王即位國號周

王既克商商之百姓咸待于郊王使告曰上天降休  
商人皆拜王亦答拜翼日命除道修社王入商宮諸  
侯百官畢從釁社而告

史記作尹佚策祝  
今依帝王世紀

曰殷之末

孫季紂殄廢先王明德侮蔑神祇不祀昏暴商邑百  
姓其章顯聞于天肆予小子膺受大命革殷受天明  
命王載拜稽首乃出改有天下之號曰周以丕德王

封紂子祿父

武庚名

為殷侯

封祿父以殷之餘民因殷初定未集乃使弟管叔鮮

蔡叔度相祿父治殷

復商舊政

命召公釋箕子之囚命畢公釋百姓之囚表商容

商

賢臣之間命南宮括散鹿臺之財發鉅橋之粟以振貧

弱命南宮括史佚展九鼎寶玉命閔夭封比干之墓

比干墓在衛

于是萬姓悅服

輝府汲縣北

夏四月王歸至豐諸侯受命于周

王來自商至于豐乃偃武修文歸馬于華山

注見前

之

陽放牛于桃林

山海經夸父山北有林焉名曰桃林地在今陝西潼關廳東南之野

庶邦冢君暨百工受命于周

大封建諸侯于天下

封黃帝之後于薊

今順天府大興縣周初薊國

帝堯之後于祝

今山

東濟南府長清縣有祝阿故城古祝國

帝舜之後于陳

都宛邱注見前

是為三

恪復封夏后氏之後

東樓公

于杞

今河南開封府杞縣

與殷之武

庚是為二王之後又封師尚父于齊

都營邱故城在今山東青州府

昌樂縣

弟周公旦于魯

今曲阜縣

召公奭

周之支族

于燕

史記正義召公

始封在北平無終縣以燕山  
為名 無終今順天府薊州 庶叔高于畢 今陝西西安府咸陽

縣畢原 皆留相王室封弟叔鮮于管 今開封府鄭州  
畢公邑 有管城鮮所封

邑 叔度于蔡 今河南汝寧府上蔡  
縣故蔡城度所封 叔處于霍 今山西平陽府

霍州有霍 城處所封 以監殷是為三監餘各以次受封 封兄弟  
之國康

叔封于衛叔振鐸于曹叔武于邠季載于聃庶弟叔  
繡于滕叔鄭于毛封同姓之國諸叔于邠于邠于雍

于原于鄆號仲于西號號叔于東號秦伯仲雍之後  
周章于吳章之弟于夏墟為虞封異姓之國神農之

後于焦少昊之後于莒祝融之後于邾四岳之後于  
許仲虺弟雍涓之後于薛 衛今河南衛輝府淇縣

有朝歌故城康叔封此曹今山東曹州府定陶縣有  
曹故城振鐸封此邠史記作成今山東兗州府寧陽

縣有成縣故城叔武封此聘國于那處今湖北安陸  
 府荊門州那口城是滕今兗州府滕縣西南有滕城  
 叔繡所封毛春秋會纂注國在河南府宜陽縣郛今  
 曹州府城武縣有郛城周郛國雍今河南懷慶府修武縣有雍  
 氏縣有郛城周郛國雍今河南懷慶府修武縣有雍  
 城周雍國原今懷慶府濟源縣有原城周原國鄆今  
 西安府鄆縣有鄆城周鄆國西虢今陝西鳳翔府寶  
 雞縣之虢城是東虢今河南開封府河陰縣之虢亭  
 是吳今江南常州府無錫縣有梅里鄉泰伯所居是  
 為勾吳虞即西虞本舜後所封周以封仲雍後西虞  
 注見前焦今河南陝州之焦城是莒今山東沂州府  
 之莒州是邾今兗州府鄆縣之古邾城是許今河南  
 許州是薛  
 注見前

祀于祖廟追王太王王季文王遂定謚法



始定祀先之禮諱名立謚追王古公亶父曰太王季  
厯曰王季文考曰文王自祖紺以上至后稷以天子  
之禮祀焉

柴于上帝望于山川

告武成也

以建子月為歲首改祀曰年

十一月建子得天之正是謂天統

以夜半  
為朔

色尚赤

牲用騂

赤色

戎事乘騶

駟馬白腹

朝燕服冕

注見前

而元衣

立徹法

一夫受田百畝鄉遂

郊門之內

用貢法十夫有溝

田不井授但為

溝

都鄙

郊外之地

用助法八家同井耕則通力而作收則

計畝而分故謂之徹

建學

國中並立四代之學辟雍

王制天子曰辟雍注辟明廡和也雍與廡同

居

中北虞學東夏學西殷學是為大學又建虞庠于西

郊夏序于州殷校于黨皆鄉學是為小學俱祀先聖  
先師人生八歲自王公至庶人之子弟俱入小學十  
五歲自天子之元子衆子以至公卿大夫元士之適  
子及凡民之後秀皆入大學凡入學以齒太子亦齒  
焉春秋教以禮樂冬夏教以詩書

### 養老

養國老于東膠

大學在王宮之東膠糾也

庶老于虞庠兼用燕饗

食禮

春夏用燕饗禮  
秋冬用食禮

憲

法也法其德行

而乞言袒而割牲執

罍而饋執爵而酌

以酒漱  
口曰酌

受丹書之戒作銘自警

王召士大夫而問曰惡有藏之約行之博萬世可以  
為子孫恒者乎師尚父進丹書于王道其言曰敬勝  
怠者吉怠勝敬者滅義勝欲者從欲勝義者凶王聞  
之惕若恐懼退而為戒書于席之四端及機鑑盥盤  
楹杖帶履觴豆戶牖劍弓矛各有銘焉

席前左端之  
銘曰安樂必

敬右端之銘曰無行可悔後左端之銘曰一反一側  
亦不可以忘右端之銘曰所鑑不遠視爾所代機之

銘曰生啗口  
我口既者謂  
本脫字率以口  
識之之類于意  
不然易傳以言  
而君子之極微  
極微之於榮辱  
之主口生啗者  
即所云起羞與  
我是也口戕口  
者即所云啗出  
啗入是也他本  
所傳機有作几  
作机者不如大  
載禮于本義尤  
為直揭若虛撰

銘曰皇皇惟敬口生啗口戕口銘之銘曰見爾前慮  
爾後繼盤之銘曰與其溺于人也寧溺于淵溺于淵  
猶可游也溺于人不可救也極之銘曰母曰胡殘其  
禍將然母曰胡害其禍將大母曰胡傷其禍將長杖  
之銘曰惡乎危于惡竟惡乎失道于嗜慾惡乎相忘  
于富貴帶之銘曰大流修容慎戒必恭恭則壽履履之  
銘曰慎之勞勞則富福豆之銘曰食自杖食自杖戒  
之愉愉則逃尸之銘曰夫名難得而易失無慙弗志  
而曰我知之乎無慙弗及而曰我杖之乎按阻以泥  
之若風將至必先搖搖雖有聖人不能為謀也肅之  
銘曰隨天時地之財敬祀皇天敬以先時刻之銘曰  
帶之以為服動必行德行德則興背德則崩弓之銘  
曰屈伸之義廢興之行無忘自過牙之銘曰造牙造  
牙少間弗忍終身之羞于一人所聞以戒後世之子孫

## 訪道于箕子

所注出令依几  
之說雖不過沿  
文索解其義亦  
通

禹治洪水洛出書

注見前

法而陳之為洪範九疇至是

王訪箕子以天道箕子乃推行增益以成其篇

初一日五

行次二曰敬用五事次三曰農用八政次四曰協用  
五紀次五曰建用皇極次六曰乂用三德次七曰明  
用稽敘次八曰驗用庶徵次  
九曰嚮用五福咸用六極  
箕子不欲臣周亡于朝

鮮

今高麗國

王因以封之

作大武樂

象武功定天下也

詳見左傳樂記不具載

殷伯夷叔齊

伯夷姓墨胎名允字公信夷謠也叔齊名智字公達齊亦謚也

餓死于首

陽山

注見前

初王伐紂伯夷叔齊扣馬而諫左右欲兵之太公曰

此義人也扶而去之及王平殷亂天下宗周伯夷叔

齊耻之隱于首陽義不食周粟採薇而食之卒以餓

死

古史考夷齊採薇野有婦人曰子不食周粟此亦周之草木也于是餓死

庚辰

十有四年西旅

西方之戎有國名旅

貢糒

犬高四尺曰糒

時九夷八蠻

夷蠻四夷之通稱八九言其非一

通道來貢西旅底貢

厥糒太保召公奭以糒非常貢明王不貴異物乃作

夷齊不食周粟特謂義不仕周受祿餓死者亦云貧餓以死云爾古史考案野如之語竟似夷齊并不食薇以致餓死不免固以高叟之機矣

書訓王名曰旅焚

肅慎氏

今寧古塔地

貢矢

楷矢石砮

楷木之矢以石為鏃

長尺有咫王欲昭令德之致遠

銘其括曰肅慎氏之貢矢

遷都于鎬

帝王世紀武王遷鎬鎬池即其故都水經注自漢武穿昆明池基溝洫無可考

自太王居岐名國為周是為岐周至王自豐宅鎬是

為宗周于是建辟廡興禮樂周道四達無思不服

王不豫周公旦告于祖考翼日瘳



公為三壇同墠

築土曰壇  
除土曰墠

為壇于南方北面粉壁東

主乃告太王王季文王史乃冊祝請以身代歸納策  
于金縢匱中王翼日乃瘳

壬午十有六年箕子來朝

箕子過故殷墟傷故都宮室毀圯禾黍生焉欲哭不  
可欲泣則近婦人故作麥秀之歌曰麥秀漸漸兮禾  
黍油油兮彼狡童兮不與我好兮殷之遺民間之莫  
不流涕

乙未十有九年冬十有二月王崩于誦立

是為成王

王丕承文王之烈一戎衣而有天下建官惟賢位事

惟能垂拱而天下治嗣西伯十有三年踐天子位七

年崩

禮記年九十三竹書紀年年五十有四

周公旦奉元子誦立

金氏履祥曰戴記文王世子篇文王九十七乃終武王九十三而終若如其言武王八十一而生成王後此又生唐叔虞焉人情事理所必不然也今依竹書紀年之年以正戴記之訛云

成王

武王納太公望之女曰邑姜生王至是武王崩王立

金氏履祥序戴記之訛似已但如履祥所云文王生于祖甲庚寅至帝乙士辰始生武王則年已六十有三矣殊不思武王為

太叔之子詩稱  
文王初戴大冠  
之合則太叔之  
年亦可知如謂  
至是始生武王  
後復生周公及  
諸叔凡八于此  
尤無理所必無  
皆大率三代以  
上載籍殘缺儒  
生各逞臆說連  
至支離膠牾若  
此蓋古史之事  
在存疑不可深  
論者多矣

年十有三周公旦相王踐阼而治

丙戌元年王諒闇周公旦為冢宰總百官

史記武王崩成王少周公恐諸

侯畔周乃攝行政當國凡七年成王長乃反政考周書蔡仲之命惟周公位冢宰正百工蔡沈書集傳曰此言武王崩時也成王在諒闇周公居冢宰百官總已以聽乃古今之通道非如荀卿所謂攝天子之位也三年之喪二十五月而畢周公固未嘗攝亦非有七年而後還政之事也今依蔡傳不取史記之說

夏葬武王于畢

武王陵在西安府咸陽縣文王陵在南武王陵在北

王冠

周公既葬武王乃冠王以朝于廟而見諸侯使祝雍

作頌雍之辭曰使王近于民遠于佞嗇于時

魯愛也不奪民

時也惠于財親賢而任能其頌曰令月吉日王始加元

服去王幼志服袞職欽若昊天六合是式率爾祖考

永永無極

### 周公旦誥召公奭

召公為保周公為師相王左右召公不悅周公作君

奭以告之于是召公乃悅與周公夾輔王室自陝

今河

南陝

以西召公主之自陝以東周公主之

州

召公欲去周公作書留之本自且武丁當至召公為保周公為師召公不悅云一凡大臣通達

國體者即不應  
出此况二公乎  
且釋本篇語惟  
莽莽以祈天永  
命保泰持盈勸  
其同心輔政而  
蔡沈本傳亦無  
一語及之何必  
沿漢儒所托之  
書序以猜疑小  
見妄揣古人也

金氏履祥曰君奭之書胡氏謂在成王幼年今考  
書中言意率已可見因從其說係于元年之下

### 封伯禽為魯侯

周公留相王室使其子伯禽代就封于魯周公戒伯  
禽曰我文王之子武王之弟今王之叔父我于天下  
亦不賤矣然一沐三握髮一飯三吐哺起以待士猶  
恐失天下之賢人子之魯慎毋以國驕人初太公封  
于齊五月而報政周公曰何速也曰吾簡其君臣禮  
從其俗伯禽至魯三年而後報政周公曰何遲也曰

變其俗革其禮喪三年而後除之周公曰後世其北面事齊乎夫政不簡不易民不能近平易近民民必歸之

丁亥 二年周公居東

時管叔及羣弟

蔡叔 霍叔

流言于國曰公將不利于孺子

周公乃告二公

書傳謂太公召公

曰我之弗辟

去聲

我無以

告我先王遂居東取易三百八十四爻各繫以辭憂

武庚必叛王室必搖乃作鷓鴣之詩以貽王

詩序 鷓鴣 風 鷓鴣

周公救亂也成王未知周公之志公乃為詩以貽王

戊子 三年秋大雷風迎周公于東

周公居東二年王知罪在管蔡是年秋大熟未獲天大雷電以風禾盡偃大木斯拔王與大夫盡弁以啟金縢之書見公請代武王之說王執書以泣親逆也  
公出郊天乃雨反風禾盡起歲則大熟

管叔鮮及蔡叔度霍叔處以武庚叛王命周公討平之

王迎周公歸三叔懼挾武庚以叛奄

地理今釋  
兗州府曲阜縣卷里

括地志云  
奄國之地

及淮夷

淮水注見前淮夷  
淮南北近海之夷

徐戎

地理今釋  
泗州徐城

廢縣古

皆應之王乃命周公東征大誥天下

作大誥

周

徐國

公殺武庚誅管叔囚蔡叔于郭鄰

郭逸周書作號  
鄰鄉遂之地

降

霍叔為庶人命伯禽帥師平徐戎定魯寧淮夷師還

周公作東山之詩以勞士卒

朱子詩傳東山周公東  
征既歸作此以勞歸士

封微子啟于宋

今歸德府商邱縣宋地古閼伯之墟通  
志周封微子于宋以為商後故曰商邱

使紹殷後修其禮物作賓王家

作微子  
之命

丑巳  
四年王朝于廟



延訪羣臣羣臣進戒

詩序閔予小子嗣王朝于廟也訪落王謀于廟也敬之羣臣進

戒也小安嗣王求助也

周公作立政

周公戒王以用人之道作立政

于時淮奄未盡平公以武不可弛故于篇

終告王曰其克詰爾戎兵以涉禹之迹方行天下至于海表罔有不服以觀文王之耿光以揚武王之大力

金氏履祥曰立政亦成王初年之書故其官名與周禮未盡合胡氏大紀係于四年之下是為得之

王伐淮夷踐

滅也

奄

書序書傳俱以踐奄在營洛之後金氏前編以多士篇有朕皆來自

奄之文因以多方紀  
多士之前今從之

奄及淮夷復叛王乃東征淮夷遂滅奄遷其君于蒲

姑

史記作薄姑今山東青州府博平縣東北有薄姑城

庚寅五年遷殷民于洛邑

今河南府洛陽縣東有洛陽故城周遷殷民于此

王來自奄遷殷之餘民于洛邑歸至宗周作多方以

誥庶邦

蒐于岐陽

岐山注見前

因盟諸侯

辛卯 六年正百官

書序成王滅淮夷還歸在豐作周官

立太師太傅太保曰三公少師少傅少保曰三孤冢

宰

掌邦治

司徒

掌邦教

宗伯

掌邦禮

司馬

掌邦政

司寇

掌邦禁

司

空

掌邦土

為六卿六卿分職各率其屬以倡九牧

九州之牧

伯

阜成兆民

制禮作樂

制周禮以經邦國曲禮以節威儀

禮記疏經禮三百周官是也周官三

百六十舉其成數故曰三百曲禮三千儀禮是也履行五禮之別委曲繁廣故曰三千

總其凡

有五曰吉凶軍賓嘉舉其大有六曰冠婚喪祭鄉

射鄉

鄉飲

相見作樂曰勺

詩作酌

以告成大武

頌武王之功以告成于廟

功

也

又分六樂而序之以祀以祭以享

奏黃鍾歌大呂舞雲門以祀天

神奏太簇歌應鍾舞咸池以祭地祇奏姑洗歌南呂

舞大韶以祀四望奏蕤賓歌函鍾舞大夏以祭山川

奏夷則歌小呂舞大濩以享先妣妻

奏房中之樂

闕

姬奏無射歌夾鍾舞大武以享先祖

為房中

以歌后妃之德

之樂

越裳氏

注見前

來朝

越裳氏重三譯而來獻白雉周公曰德澤不加君子

不享其贄政令不施君子不臣其人譯曰吾國之黃  
耆曰天無烈風淫雨海不揚波三年矣意中國有聖  
人乎于是來朝周公致薦于宗廟使者述其歸路公  
錫駢車五乘皆為指南之制使者載之期年而至其

# 國

壬辰七年營東都

今河南府洛陽縣西有河南廢縣即周東都漢書地理志河南郡河南故邶鄘

地周武王遷九鼎  
周公營以為都

初武王克商遷九鼎于洛邑將營都而未果

考史記  
武王謂

周公曰我南望三塗北望嶽鄙顧唐有河粵唐洛伊  
母遠天室營周居于洛邑而後去語出逸周書度邑  
篇三塗山名在河南府嵩縣西南嶽鄙杜預曰  
嶽河北太行山鄙都鄙近嶽之色伊水注見前至

是王欲如武王之志命召公先之洛相宅

書序成王欲宅洛邑

使召公先相宅作召誥

周公復卜

澗水東瀝水西澗水出河南府滎池縣白石山瀝水出

洛陽縣穀城山俱入洛

申視卒營築

書序周公往營成周使來告卜作洛誥

謂之

東都曰此四方入貢道里均也于是王至新邑

洛誥戊辰

王在新邑朝諸侯祀清廟

詩序清廟祀文王也既成洛邑朝諸侯率以祀文王焉

定

鼎于郊鄩

帝王世紀河南有鄩鄩陌其南名定鼎門蓋鼎所從入也

卜世三十卜

年七百王歸命周公留後分正東都

分別其民正定其居也

設南郊

郊之祭兆于南郊就陽位也

建明堂

在國之南辰巳之地高三丈方三百步上圓下

方八牕四闔其室考工記作五室大戴禮作九室揚復曰五室取五方之義九室則五方之外必滿四隅也九室之制視五室為尤備

郊祀后稷以配天

詩序思文后稷配天也朱子曰為壇而祭故謂之天

宗祀文

王于明堂以配上帝

詩序我將祀文王于明堂也朱子曰祭于屋下而以神祇祭之

故謂之帝

立大社

普天之下莫不  
王土分土以封  
之先割土也苞  
黃直白之說參  
攷

東青土南赤土西白土北驪

黑色

土中央黃土

凡建諸侯

鑿取其方一面之土苞以黃土直以  
白茅以為土封故曰受剛土于王室

癸巳八年三月

金氏前編以為營洛之三月蔡氏書集傳以為次年之三月今從書集傳

周公

誥殷士于新邑

周公既營洛邑又卜瀍水東為下都

即今洛陽故城是

曰成

周遷殷民處之

前既遷矣此復安集之也

乃以王命告作多士

集傳

曰商民遷洛者亦有有位之士故周公以王命告之

封蔡叔子胡于蔡

書序蔡叔既沒王命蔡仲踐諸侯位作蔡仲之命



蔡叔度既沒其子胡率德改行周公舉以為卿士言于王復封之蔡以奉蔡叔之祀

甲午九年封弟叔虞為唐侯

今山西平陽府翼城縣西有唐城叔虞所封史記唐在河

汾之東方  
百里即此

堯之裔封于唐

襄字記夏后時封  
劉累之孫于此

至是唐為亂王滅

之與弟叔虞戲削桐葉為珪曰以此封若史佚請擇日王曰吾與之戲耳史佚曰天子無戲言言則史書之禮成之樂歌之遂封叔虞為唐侯

柳氏宗元曰王者之言要于其當設有不當雖十易之  
不為病若必違從而成之不幸而王以桐葉戲婦  
寺亦將舉而從之乎

乙未

十年王游于卷阿

卷曲也阿大陵也

召公從因王之歌作卷阿之詩以進戒

詩序卷阿召康公戒成王

也

皇明於舜明良  
合德故其言簡  
召公於成王  
成進戒故其言  
長然也  
後先一揆正不  
在體製有古今  
昨已有入近也

丙申

十有一年周公作無逸

周公欲王知稼穡之艱難先已備陳七月之詩

朱子詩集

傳周公以成王未知稼穡之艱難故陳后稷  
公劉風化之所由使瞽矇朝夕諷誦以教之

至是在

豐又作無逸之書以訓于王

周公薨

諡曰文

公在豐病將歿曰必葬我成周以明吾不敢離王既

薨王葬公于畢

長安志周公墓在咸陽縣東北

從文王以明不敢臣

也復以公有大勲勞命魯公世祀以天子禮樂

程子曰周公之功固大矣皆臣子分所當為魯安得獨用天子禮樂哉成王之賜伯禽之受皆非也

命君陳治東都

作君陳

周公既歿以君陳代公分正東郊

天子之國五十里為近郊下都在洛

師之東故

曰東郊

丁酉 十有二年巡狩

諸侯朝于方嶽因行黜陟之典

戊戌 十有三年作九府

太府玉府內府外府泉府天府職內職幣職金

圜法

初虞夏商之世幣金三品

或黃或白或赤

至是太公望立九

府圜法錢圜函方輕重以銖布帛廣二尺二寸為幅

長四丈為疋

庚戌 二十有五年大會諸侯于東都

四夷各以其方物至史臣為作王會之篇

壬戌

三十有七年夏四月王崩子釗立

是為康王

四月王不懌甲子召太保及羣臣受顧命

書序成王將崩作顧

命

敬保元子釗越翼日乙丑王崩太保命逆元子釗

于南門之外入翼室恤宅宗

引入路寢東夾室為居憂宗主也

癸酉

元子釗麻冕黼裳

吉服也

受冊命即位朝見諸侯于應

門內

太保率西方諸侯入應門左畢公率東方諸侯入應門右

諸侯聽命出

書序康王

諸諸侯作

乃釋冕反喪服

康王之誥

葬于畢

成王陵在文  
王陵西南

王在位三十七年祇勤于德夙夜不逮興禮樂立制  
度民和睦而頌聲作

康王

癸亥元年朝于豐宮

徧告諸侯宣示文武之功業

乙丑三年吉禘于先王

遂定樂歌

甲戌 十有二年夏六月命畢公保釐東郊

保安釐正也

王自宗周至于豐冊命畢公分居里成周郊

帝王世紀分民

之居里于成周之郊尚書集傳即經文表厥宅里殊厥井疆也 作畢命

子戌 二十有六年召公薨

諡曰康

初公治西方甚得民和有司請召民公曰不勞一身

而勞百姓非吾先君文王之志也乃巡行鄉邑聽斷

于棠樹之下及卒人思其政不忍伐棠樹作甘棠之

詩歌詠之

詩序甘棠美召公也今河南陝州有甘棠驛以召公名

王崩子瑕立

是為昭王

王克臻洪業敬恭神人四裔賓服海內晏然百姓興于禮義囹圄空虛刑措不用四十餘年有唐虞之風

焉

葬于畢

康王陵在文王陵東南

昭王

巳丑元年

王之時王道缺微周始衰



壬寅十有四年魯公子潰

音費

弑其君宰

伯禽之孫幽公

而自立

是為魏公

金氏履祥曰弑君爭國之禍自是始而王不能討失政甚矣

已卯五十有一年有光五色貫紫微

紫宮垣一曰紫微大帝之座天子之常居

井水溢

王崩于漢子滿立

是為穆王

王南巡狩反濟漢

漢水注見前

漢濱之人以膠船進王至

中流膠液船解王及祭公

周公後伯爵

皆溺焉

大紀王預于漢王右

辛餘靡振王以  
濟王遂發疾崩

穆王

王生于昭王之二年

國語昭王娶于房曰房后生穆王

至是即位年

已五十餘

庚辰元年築祗宮

圻內遊觀之宮

壬午三年命君牙為大司徒伯冏為太僕正

作君牙及冏命

丙申十有七年王西巡狩徐戎叛

徐戎注見前

王歸征克之

王得八駿馬

一赤驥二盜驥三白義四渠黃五騊駼六騊駼七騊耳八仙子

有造父

一日千里長驅  
而蹄雖順風揚  
就有所不能而  
謂馬能之乎蓋  
馬之使者不過  
能行數百里其  
能千里而不疲  
者即良驥也後  
之務奇者並不  
識馬安能識良

者之聖以善御幸遂西巡狩樂而忘歸四方諸侯爭

訟無所質正咸歸于徐

羸姓國子爵地方五百里徐子行仁義故諸侯多歸之

徐子得朱弓赤矢以為天瑞自稱偃王朝之者三十

六國王聞徐子偃號恐遂稱受命乃命造父御一日

千里長驅而歸使楚人伐徐徐子不忍鬪其民壯走

彭城

今徐州府銅山縣

百姓從之者以萬數徐子將死曰吾

賴于文德而不明武備故至此

封造父于趙城

今平陽府趙城縣有故城在縣西南即造父之邑

無怪乎其論之  
失實矣

以御八駿功故封其後為趙氏

至晉趙  
衰始著

甲寅三十有五年征犬戎

西戎名舜竄三苗于三危其後  
繁熾夏之衰犬戎入居邠岐之

間

王將征犬戎祭公謀父諫曰不可先王耀德不觀兵  
王不聽遂征之得四白狼四白鹿以歸自是荒服者  
不至

已五十年命呂侯

呂國名  
注見前

作呂

亦作  
甫

刑

王命呂侯為大司寇作修刑辟

周制五刑凡二千  
五百王增至三千訓

夏贖刑

訓暢夏后時贖刑之法制為五罰墨辟疑赦其罰百鍰劓辟疑赦其罰惟倍剕辟疑赦其

罰倍差官辟疑赦其罰六

以詰四方

百鍰大辟疑赦其罰千鍰

蔡氏沈曰呂命專訓贖刑本舜典金作贖刑之語以行其一切權宜之計然其哀矜惻怛猶有三代忠厚之意

甲戌 五十有五年王崩于祗宮子繫扈立

是為共王

王之初思保位為難欲自警寤作史記書事之要戒

俾戎夫

官名

言之朔望以聞厥後欲肆其心周行天

下祭公謀父作祈招之詩

祈父周司馬招其名也詩曰祈招之惓惓式昭德音

思我王度式如玉式如金以止王心是以獲沒于祗  
形民之力而無醉飽之心

宮

共王

亥元年

丑丁三年滅密

密國即密須地注見前

王游于涇上

涇水出甘肅平涼縣笄頭山至西安府高陵縣入渭

密公從有三

女奔之其母曰必致之王夫女三為粢美物也而何

德以堪之密公不獻一年王滅密

丙戌 十有二年王崩子囂立

是為  
懿王

懿王

丁亥 元年徙都于槐里

漢書地理志右扶風槐里周曰犬  
邱懿王都之故城在今西安府興

平縣

東南

辛亥 二十有五年王崩共王弟辟方立

是為  
孝王

孝王

壬子 元年

甲子 十有三年封非子于秦

地理今釋今陝西秦  
州有秦亭非子所封

非子惡來革之後

秦世譜惡來女防旁  
鼻大凡大駱非子

居犬邱好馬

善養息之王使主馬于汧

水名在鳳翔府  
汧陽縣入渭

渭注見前之

間馬大蕃息乃分土為附庸邑之秦曰昔伯翳為舜

主畜多息故有土錫姓曰嬴今其後亦為朕息馬其

使續嬴氏祀號曰秦嬴

大雨雹江漢水

胡氏一桂曰嬴秦始封而災  
異即見履霜之象已兆于此

十有五年王崩懿王子變立

是為  
夷王

丙寅



夷王

王為懿王太子孝王崩諸侯復立為王

丁卯元年覲禮廢

覲禮天子不下堂而見諸侯王德諸侯之立已始下堂而見降與抗禮

已巳三年命虢公

虢注見前 杜預曰二虢皆公卿

伐太原之戎

後漢書西羌傳

穆王遷戎于太原舊說以為即山西太原顧炎武曰在今甘肅平涼府固原州後魏立原州以古太原而名

至于俞泉

地名

獲馬千匹

甲戌八年楚子熊渠伐庸

今湖北鄖陽府竹山縣古庸國

揚粵

漢書南粵王傳略定

揚粵師古曰本揚州之分故云揚粵

至于鄂

今湖北武昌府武昌縣有鄂城

熊渠之先曰鬻熊

注見前

事文王有勤勞成王時封其

後

曰熊繹鬻熊曾孫

于楚

先曰荆後改楚

錫以子男之田姓芊

音弭

氏居丹陽

今湖北宜昌府歸州有古丹陽城楚始封此曰西楚後徙枝江亦曰丹陽是為南楚

今荊州府枝江縣是

傳至熊渠

熊繹五世孫

王室微諸侯相伐熊渠

甚得江漢間民和乃興兵西伐庸東侵揚粵至于鄂

熊渠曰我蠻夷也不與中國之號謚乃立其諸子為

王

長子康為句亶王中子紅為  
鄂王少子執疵為越章王

分處江上

厲王時熊渠畏王伐

楚去其

王號

壬午十有六年王崩子胡立

是為厲王

殺齊侯不辰

太公元孫哀公

紀侯

姜姓今青州府壽光縣有紀城紀侯國

譖齊侯于王王烹齊侯而

立其弟靜

是為胡公從治薄姑

厲王

癸未元年

王暴虐詩人作刺

召穆公作民勞蕩凡伯作  
板芮伯作柔桑皆以刺王

辛丑十有九年齊公子山弑其君靜而自立

是為  
獻王

哀公之同母少弟山怨胡公乃與其黨襲殺胡公而

自立盡逐胡公子徙治臨淄

故城在今臨淄  
縣北亦曰齊城

壬子三十年以榮夷公為卿士

墨子厲王染于榮夷終論  
語疏榮公武王時為天子

公卿夷公

蓋其後也

王好利說榮夷公芮良夫

姬姓伯爵世為王朝卿士  
食采于芮今山西芮城縣

諫曰榮公好專利而不知大難夫利百物之所生也

天地之所載也王人者將導利而布之上下猶日怵  
惕懼怨之來也今王專利其可乎榮公若用周必敗  
王不聽卒以為卿士諸侯不享

乙卯

三十有三年使衛巫

衛國之巫

監謗

王無道國人謗王召公

召康公之後穆公虎世輔王室食采于召今鳳翔府岐山

縣名  
亭是

諫曰民不堪命矣王怒得衛巫使監謗者以告

則殺之國人莫敢言道路以目王喜告召公曰吾能  
弭謗矣召公曰是障之也防民之口甚于防川是故

為川者決之使導為民者宣之使言若壅其口其與能幾何王不聽

己未

三十有七年王出居于氐

今平陽府霍州有氐城元和志即周厲王所奔之地

王心戾虐萬民弗忍乃相與畔襲王王出奔于氐太子靖匿召公冢國人圍之召公曰昔吾驟諫王王不聽故至此今殺王太子王其以我為讐而懟怒乎夫事君者險而不懟怨而不怒況事王乎乃以其子代王太子太子竟得脫

庚申 三十有八年王在彘共和行政

召公周公

周公元子伯禽就封于魯次子留相王室世為周公食采于雍今陝西鳳翔縣

二

相以太子靖幼相與協和共理國事號曰共和

癸亥

五十有一年王崩于彘周公召公奉太子靖即位

是為

宣王

太子長于召公之家共和十四年厲王崩二相乃共立之為王輔之修政諸侯復宗周

宣王

甲戌元年命秦仲征西戎

初厲王之時西戎反王室滅犬邱大駱

非子父

之族王

即位命秦仲為大夫率其國人征之

命尹吉甫

路史少昊子般封尹在汾州及周為尹氏采邑有吉甫墓

北伐玁狁

北狄

時玁狁內侵逼近京邑

詩玁狁匪茹整居焦獲侵鎬及方至于涇陽焦獲爾雅

十藪之一在今西安府涇陽縣鎬劉向以為千里之鎬非鎬京也方即朔方朱子曰靈夏等州地涇陽涇

水之北也

王命吉甫北伐逐之太原

注見前

而歸于是有六

月之詩

詩序六月宣王北伐也



乙亥 二年命方叔

詩傳周卿士五官之長故曰元老

南征荆蠻

即楚

時荆蠻背叛方叔嘗預北伐有功

詩顯允方叔征伐殲抗蠻荆來威

王命率師南征荆蠻來服于是有采芑之詩

詩序采芑宣王

南征也

命召虎平淮夷

淮南之夷

淮夷不服王命召虎率師循江漢討平之

詩江漢湯湯武夫沈

沈經營四方告成于王

疆理其地南至于海

詩于疆于理至于南海

師還

錫虎圭瓚鉅鬯以嘉其勲尹吉甫乃賦江漢之詩以

美之

詩序江漢尹吉甫美宣王也能與衰撥亂命名穆公平淮夷

王親征徐戎

在淮之北

王既命召虎平淮南之夷乃親率六師

太師皇父為帥程伯休父

為司馬

以征淮北徐方來庭召虎作常武之詩美王因

以為戒

詩序常武召穆公美宣王也有常德以立武事因以為戒孔疏戒者就常德之中而戒使

常行也

也

己卯 六年大旱

自二年不雨至于是一年

王承厲王之烈內有撥亂之志遇戕而懼側身修行

欲消去之天下喜于王化復行百姓見憂

天下百姓見被矜憂

仍叔

仍氏叔字周大夫

作雲漢之詩以美之

秦仲死于西戎命其子伐戎破之

西戎殺秦仲仲有子五人

長者為莊公

王召其昆弟與兵

七千使伐西戎破之于是與其先大駱犬邱之地

與莊

公為西垂大夫

今甘肅秦州有西縣故城秦莊公所居漢為縣後廢

辛巳八年巡狩東都

王內修政事外復文武之境土乃選車徒備器械會

諸侯于東都因以田獵講武詩人為作車攻吉日

詩序

車攻宣王復古也

吉日美宣王田也

乙酉 十有二年立魯侯敖

魏公之孫武公

之少子戲為魯世子

魯侯與長子括少子戲來朝王愛戲欲立為魯世子

樊仲山甫

太王子虞仲支孫食采于樊亦曰陽樊今河南懷慶府濟源縣皮城是也

諫曰

不可不順必犯犯王命必誅故出令不可不順也若

魯從之諸侯效之王命將有所壅若不從而誅之是

自誅王命也王卒立之

是為懿公

其後括之子伯御弑戲

而自立

事在二十一年

不措千畝

文獻通考周制天子孟春之月擇元辰帥公卿諸侯大夫躬耕措田千畝于南部冕而朱

紘躬秉耒天子三推三公五推卿諸侯九推庶人終畝厲王時措田禮廢宣王不復遵古

王不修措于千畝虢公諫曰民之大事在農是故稷為大官惟農是務三時務農而一時講武故征則有威守則有財若是乃能媚于神而和于民今天子欲修先王之緒而棄其大功匱神乏祀而困民之財何以求福用民王弗聽

二十有二年王后姜氏諫王

姜后賢而有德王嘗晏起后脫簪珥待罪于永巷使其傅母通言于王曰妾不才至使君王失禮而晏朝敢請罪王曰寡人不德實自生過非夫人之罪也遂勤于政早朝晏退繼文武之迹成中興之業為周世

宗

封弟友于鄭

西周畿內邑今陝西華州鄭縣故城是後從號鄭之間今河南新鄭縣是其餘民南

保漢中今漢中府南鄭縣是

友厲王少子王封之鄭并賜之祊田

今山東沂州府費縣有故祊城

為天子巡狩助祭泰山湯沐之邑

己乙

三十有二年伐魯誅伯御立魯侯之弟稱

是為孝公

王既誅伯御問魯公子能導

一作訓

順諸侯者以為魯

後樊仲山甫曰懿公之弟稱肅恭明神敬事耆老賦

事行刑必問于遺訓咨于故實王曰是能訓治其民

矣乃命魯侯稱于夷宮

祖夷王廟也

癸丑 四十年料民于太原

注見前

初王伐姜戎

四岳之裔初居瓜州後徙中土

敗績于千畝

地名在今山西遼州

乃料民

簡料其數

于太原仲山甫諫曰民不可料也古者

司民協孤終

協考孤幼終死也

司商協民姓

別生分類

司徒協旅

師旅

司寇協禁

罪隸刑死之數

牧協職

物色之數

工協草

牛馬羊之皮

場協入

知粟數

廩協出

知用數

而又治農于藉

千畝田也

蒐于

農隙耨穫亦于藉

王亦至于藉考課

獮于既蒸狩于畢時是

皆習民數者也又何料焉且無故而料民天所惡也

害于政而妨于後嗣王卒料之



丙辰四十有三年殺杜伯

今西安府長安縣有杜城水經注周杜伯國

王將殺杜伯而非其罪伯之友左儒爭之九復之而

王不許王曰汝別君

猶背也

而異友儒曰君道友逆則

順君以誅友友道君逆則順友以違君王卒殺杜伯

儒死之

杜伯子叔隰奔晉為士氏

未已四十有六年王崩子涅立

史記作官涅是為幽王

金氏履祥曰宣王初年有志撥亂周道復興然不克有終如廢魯適不指千畝料民太原殺杜伯大略可見其後幽王繼之卒以東遷

幽王

庚申元年立姜氏

申侯女

為王后宜臼

申后子

為太子

壬戌三年納褒姒

褒國名今陝西漢中府褒城縣古褒國

初宣王之時童謠曰檠弧箕服

山桑為弓箕木為矢房

實亡周

國于是王聞之有夫婦鬻是器者王使執而戮之府  
之小妾生女而非王子也懼而棄之

國語史伯曰夏之衰褒之神化

為二龍以同于王庭而言夏后卜請其鰲櫝而藏之  
及殷周莫之發也厲王之未發而觀之鰲流于庭不  
可除王使婦人不憚而誅之化為元龜以入于王府  
府之童妾未既配而遭之既笄而孕不夫而有故懼

而棄之為弧服者方逃于道收之以奔于褒後褒姒有

獄請入此女于王以贖其罪是為褒姒至是王入後

宮愛而納之生子伯服

三川震

三川涇洛渭也地震故三川亦動

伯陽父曰

唐固曰伯陽父周柱下史老子也

周將亡矣天地之氣陰

伏而不能出陽迫而不能蒸于是有地震今三川實震

是陽失其所而填陰也

韋昭曰為陰所鎮

陽失而在陰

韋昭曰在

陰下也源必塞源塞國必亡昔伊洛竭而夏亡河竭而

商亡今周德若二代之季矣其川源又塞塞必竭川  
竭山必崩山崩川竭亡之徵也若國亡不過十年數  
之紀也是歲三川竭岐山崩

甲子五年廢申后及太子宜臼以褒姒為后伯服為太子

褒姒與虢石父比譖廢申后太子褒姒立為后伯服

為太子宜臼出奔申

國名姜姓四岳之裔今河南南陽府南陽縣有申城申侯國

太史伯陽曰禍成矣無可奈何褒姒不好笑王悅之  
萬方故不笑乃無故舉烽火諸侯悉至至而無寇褒

如乃大笑

丑<sup>乙</sup>六年冬十月辛卯朔日有食之

于是有十月之交詩

詩序十月之交大夫刺幽王也

丁卯八年以鄭伯友為司徒

友為司徒甚得周衆問于史伯曰王室多故予安逃死乎史伯曰獨雒之東土河濟之南可居公曰何以

對曰地近虢

東虢注見前

檜

妘姓國居溱洧之間今開封府密縣有檜城

號檜

之君貪而好利百姓不附今公為司徒民皆愛公公

誠請居之號檜之君見公方用事輕分公地號檜之  
民皆公之民也友曰善于是言于王徙其民雒東號  
檜果獻十邑

後武公竟取十邑而滅號檜

庚午十有一年申侯以犬戎入寇弑王鄭伯友死之晉衛

秦皆以兵來救立故太子宜臼

是為平王

王欲殺故太子宜臼求之于申申侯弗與召西夷犬  
戎攻王王舉烽火徵兵兵莫至犬戎遂弑王于驪山

下

山在西安府臨潼縣東南

虜褒似鄭伯友死于戰秦

襄公

力戰

破戎衛侯和

即武公康叔九世孫

從晉侯仇

叔虞封唐傳子燮改國為晉燮八傳

為文侯仇

合諸侯兵逐戎黜伯服鄭世子掘突

武公

收父

散兵從諸侯東迎太子宜臼立之

御批歷代通鑑輯覽卷三





總校官進士臣程嘉謨

校對官編修臣吳舒帷

謄錄監生臣李邦燮